

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 I 1082911 24 I
Sarajevo, 11.03.2025. godine

Općinski sud u Sarajevu, sudija Pejčinović Mirna, u pravnoj stvari tražioca izvršenja RAIFFEISEN BANK DD BIH UL. ZMAJA OD BOSNE BB SRAJEVO, protiv izvršenika A.A. , Ilidža, radi izvršenja, vsp.16.893,31 KM, van ročišta dana 11.3.2025. godine donio je:

Z A K L J U Č A K

1.Utvrđuje se da je vrijednost pokretnih stvari vlasništvo izvršenika , koje su popisane i procijenjene od strane sudskog izvršitelja u zapisniku o pljenidbenom popisu i procjeni od 9.10.2024.godine i to:

- TV PLAZMA MARKE GRUNDIG 52 INČA VRIJEDNOST 330,00KM
- STOL ZA DNEVNI BORAVAK VRIJEDNOST 350,00KM
- KOMODA BIJELA SA VRATIMA VRIJEDNOST 200,00KM
- KOMODA SA LADICAMA VRIJEDNOST 300,00KM

te se određuje prodaja predmetnih pokretnih stvari i to usmenim javnim nadmetanjem.

za dan PETAK, 18.4.2025.godine u 9,00 sati.

Javno nadmetanje za prodaju održaće se u Općinskom sudu u Sarajevu, Ul. Šenoina 1, soba 454/IV.

Sud će u smislu člana 77. Zakona o izvršnom postupku, a u vezi sa članom 135. Zakona o izvršnom postupku, zaključkom na zahtjev zainteresovanog lica omogućiti razgledanje zaplijenjenih pokretnih stvari, te istim odrediti način i vrijeme razgledanja stvari, uz prisustvo sudskog izvršioca. Navedeni zahtjev mora biti podnjet u pisanoj formi 8 dana prije održavanja ročišta.

2.Na prvom ročištu za javno nadmetanje pokretne stvari se ne mogu prodati ispod polovine utvrđene vrijednosti.

3.Kupac je dužan platiti cijenu odmah nakon objavljivanja rezultata prodaje. Ako to ne učini, drugi ponuđač će biti proglašen kupcem i biće dužan platiti cijenu koju je ponudio i tako redom. U slučaju da ni jedan ponuđač sa ponudom iznad ½ procijenjene vrijednosti ne plati cijenu, sud će na zahtjev jedne od stranaka oglasiti da prvo ročište za prodaju nije uspjelo. Zahtjev sudu za zakazivanje novog ročišta stranka može podnijeti u roku od 8 dana od održavanja neuspjelog ročišta. Sud će obustaviti postupak ako ne bude predloženo drugo ročište u navedenom roku ili ako se stvari ne uspiju prodati na drugom javnom nadmetanju.

4.U javnom nadmetanju iz tačke 1. ovog zaključka kao kupci mogu učestvovati samo lica koja su prethodno dala osiguranje. Osiguranje iznosi 1/10 utvrđene vrijednosti pokretne stvari. Osobe koje sudjeluju u javnom nadmetanju dužne su prije početka ročišta predati uplatnicu iz koje je vidljivo da je osiguranje položeno. Osiguranje se polaže na račun Općinskog suda u Sarajevu za depozite i ostalo koji se vodi kod BBI BANKE broj **1 4 1 1 9 6 5 3 2 0 0 0 9 6 3 9** sa naznakom broja predmeta. Ponuđačima čija ponuda nije prihvaćena, osim za tri najbolja ponuđača, vratiće se osiguranje odmah nakon zaključenja javnog nadmetanja. Osiguranje u ovoj izvršnoj stvari nije dužan dati tražilac izvršenja na čiji je prijedlog određeno izvršenje.

5.Ovaj zaključak objaviće se na oglasnoj tabli ovog suda, a tražilac izvršenja zaključak može objaviti i na način predviđen za objavljivanje prodaje nepokretnosti.

S U D I J A
Pejčinović Mirna

POUKA: Protiv ovog zaključka nije dozvoljen pravni lijek.